

TAJUK : TENTERA BERKAKI ENAM (Buku Teks m/s 147) TARIKH : _____

Baca dan fahami teks di bawah. Kemudian, lengkapi jadual dengan kata berimbuhan yang terdapat dalam petikan dan puisi.

Tentera Berkaki Enam


Semut merupakan sejenis serangga yang lazimnya ada di rumah kita. Makhluk kecil yang berkaki enam ini umpama tentera kerana sering bergerak dalam satu barisan yang panjang. Meskipun begitu, pergerakan semut teratur dan tidak berselerak. Pernahkah kamu perhatikan pergerakan semut sewaktu serangga ini bertemu dengan semut-semut yang lain? Jika diperhatikan, semut-semut ini seolah-olah mengenali antara satu dengan yang lain.

Adakah semut mengenali setiap anggota koloni yang tidak terkira jumlahnya? Para cendekiawan dalam bidang sains dan kimia telah menjalankan pelbagai eksperimen untuk membongkar rahsia keunikan serangga ini.

Kajian sains mendapati setiap semut memiliki sejenis sebatian kimia yang unik dan berbeza. Faktor inilah yang membolehkan semut mengenali semut-semut yang lain.

Hasil kajian ini amat penting kepada manusia. Penemuan ini diharapkan dapat diaplikasikan dalam penciptaan teknologi pengecaman manusia yang canggih.

Sumber: Diubah suai daripada *Majalah Estidatmy*, Utusan Malaysia, 29 Julai 2009



Kampung Teluk jauh terpencil,
Banyak ditanam bunga kemboja;
Aku makhluk berbadan kecil,
Berkaki enam rajin bekerja.



Buah keranji si buah duku,
Gugur merata dikutip sahabat;
Manusia mengkaji keunikan aku,
Untuk mencipta alat yang hebat.



IMBUHAN

AWALAN	AKHIRAN	APITAN	SISIPAN

SP	2.2.3 Membaca dan memahami ayat yang mengandungi perkataan berimbuhan dalam bahan bacaan prosa dan puisi dengan sebutan yang betul.					
TP	1	2	3	4	5	6